

●國民理財之問題

(南風)

我國人今日理財之問題。有兩要件。一則對待華商之問題也。一則自己謀裕其利源之問題也。大凡一國財源之所由生也。一由於天然土產物。二由於人工製造物。縱無此等物。則以孑然之人身。雖千萬成羣。決不能出鬻以求其財貨之內豐也。試觀我國之財源。屬於上叙之兩物者。何所有乎。機器則我國人尙缺乏也。人工手藝。則不過一般人民應工覓食之計。非屬於一國之利源也。然則我國財源之所由生者。特不過天然土產物而已。粟米也。糖桂也。棉茶也。魚鹽也。一一皆從地皮上生出。我國國民只坐而收獲之發賣之。以換得金錢。若因各種原料以製造種種貨項。收倍蓰之利源。我國人尙拙此手段也。理財之要件。我國人已缺其一。則今日欲與世界競爭財政者。我國人之計。惟有先憑藉此天然土產物爲理財之資本。然後遞年積歲。利用此資本。購買機器。練習工藝。以求人工製造物之同辰並進耳。今日之日。則此天然土產物。誠爲我國民生存之命脉。競爭之利器也。夫我既僅藉天然土產物爲命脉的。爲利器的。則我當如何求此產物之消售。求此產物之增價。以裕我之資本乎。我於是不得不熟思我國天然土產物之顧主。屬於何方面也。我國自有大法保護以來。雖庇於三色旗下。可與外國通商矣。然試問我國之出產物。其適合於外國與否。米產則歐美有用之矣。然我之米不若日本及意大利之米。桂皮可以製油質。亦歐洲人之製造原料也。然我之桂不若印度之桂。絲糖則製式未精。亦遠在歐美絲糖之下。然則我國現辰之出產物。其適消售於中國居多。况中國人與我交通已久。性情上。交易上。久已習熟。夫既有土貨。猶思覓顧主以求此土貨之消售。各國人或至用武流血。以覓出產物之消場者有矣。况鄰於我者。有一舊顧主者在乎。要

而言之。則我現方以天然土產物爲理財資本。而華商者。正現辰消售我天然土產物之顧主也。然則我試研究其對待華商之問題當如何。華商之來我國者。有三項人。一則携金錢入境。收買我國土貨以輸出也。一則載北貨入境。換金錢以攜去也。一則在我國土上。開商店辦雜貨。無論何物。或我國土貨。或外貨。隨便貿易以謀生也。我國民對於此三項人。當取如何態度耶。第一項人。則收買我土貨之顧主也。我有土貨。而薄待其顧主可乎。我之所憑藉者。惟有土貨。我之所要求者。在乎金錢。則我正當開門而厚接此顧主。以求我土貨之利市。通計一年內。彼之攜金錢以收買我東洋米產者。達六七十兆元。買糖買桂各項。亦達數十兆元。統計之。亦當達百兆元之額。以我開門接此顧主。而一年間得裕百兆元之入款。我將以何款代替。而推門逐客乎。然則第一項之華商。非我所當抵制也。第二項之華商。則取我金錢之商客也。此項人對於我國財源。原有損害處。閉門不納可也。然我等試問此項人。於一年間收取我國之金錢。當得幾許乎。就北貨之入港數觀之。則一年間北貨之輸賣我東洋者。僅達十五兆元之譜。以我收入百兆元。而所出者僅十五兆元。則不過失却百分之十五耳。以百分之十五。爲維持商伴之計。想於貿易場中。所必有之公例。况以交通既廣。機器未精之我國民。豈於國中之貨物。盡足供國民之用乎。無之則不妨採買於外人。亦猶之乎外人採買於我國也。所最要者。我不可忘自己。而全靠外貨。我當習練其技藝。仿效其製造。以求我內貨之增進。外貨之漸減耳。若是則我對於第二項之華商。雖明知彼之來也。寔有損於我命脉。我利器。然不妨設以有易無投桃報李之想。縱我有抵制之念。則要從工藝上製造上著手。豈在一朝一夕之

抵制之念。則要從工藝上製造上著手。豈在一朝一夕之

回外洩之財源。則自家發願。不買北貨。不用北貨。亦任其便。誰其禁我。而何必發表種種舉動。以失對外之感情乎。至若第三項之華商。則置身於我市場間。任其貿易有無之責。以謀自家生活之僑商也。吾儕試思彼輩對於我社會。其利害何如乎。出港入港之權。非屬彼輩也。彼輩不過流通彼此之貨物。調劑國內之用具。從中占其餘潤以營生者也。此項營業。宜乎我人自爲之。然向來我人安於逸樂。不之舉行。故彼輩出而當之。原非有所爭於我也。寔我甘以營業讓人之過也。夫商業乃廣闊之途。我不爲則人必爲之。此自然之勢也。雖此項人。寔多有收得利金。轉身歸國。爲我財源之蠹。然平情思之。彼所得之款。亦由彼之血汗所收入耳。若我人欲取而代之。則必須勞自家之血汗。某雜貨店可設也。我設之。某商店可開也。我開之。就交易之方法上爭。就籌劃之計算上爭。始焉與彼提携並行。以分彼之所得。繼焉養成勢力。俾我民不受彼之脅制。此則競爭之道。並收回利權之道。在是也。何必囂囂於道路。言抵制乎。夫抵制華商之爲言。雖亦曰有愛國家爭利權之義。然使雜貨無人辨。商店無人開。則抵制之方面者可。而社會上交易之方面。可任其中止乎。大凡一國而交易上無流通之景象。則於財源上有窒塞之虞。故我人如言抵制華商者。必先謀其可以代替之道。不可單從感情上作用。而使社會之經濟。吃一回之虛驚也。更進一層言之。若何人不必求根本上之爭競。而只言抵制。則不入彼商店可也。不買彼雜貨可也。誰其脅我迫我。而必滋擾多事乎。就上而觀之。則我國民對於華商之問題。想宜出以沈毅穩妥之態度。欲與彼爭商。則要宜從根本上解決。察彼何項商家。有利於我者。則我厚遇之。何項商家。雖有害於我。而勢未可遽言脫離者。則我不妨從寔際的爭競。徐圖脫離之策。若抵制示威之舉動。想我國人今日對於華商之道。恐未爲適辰。

的鄙人爲此說。非敢謂抵制者之無愛國熱心也。抵制者之無爭商思想也。抵制者之無團體感情也。然抵制之手段。而至開惡感於外商。招尤於政府。則想又誤中之大誤也。夫抵制之名。辭唱之者。自中國始。卽如近日中國人抵制日本貨之行動是也。諸君乎。亦試思中國抵制之風潮。何由以起乎。蓋日本於歐戰辰間。奪得中國山東省之膠洲灣。於德人之手。歐洲和議。中國人欲乘此辰機。以收回之。不意不能達其收回之目的。故國民起爲後援。以抵制日貨。爲收回膠洲之示威運動。然則中國之抵制者。乃關於政治上之問題所發起也。又試思中國抵制之勢力。何如乎。中國與日本交易之勢力。則日本只以中國爲消售場。而中國於商業上。已四通八達。與日本商家絕交。誠最易於著手。於日本市場則有恐慌之象。而於中國市場則無絲毫之累也。是有可抵制之勢力。故借抵制手段。以要挾人也。又試思中國抵制之人物。何以有學生參預乎。蓋此次中國抵制。原屬於政治的問題。國土存亡的問題。則舉國之人。匹夫皆有責。况彼所發起者。北京大學堂之學生。及留學日本之學生。彼學生輩。年在二十五三十歲之間。已有政治上之見地。已有担任國家之思想。見國土被削。外交失敗之辰。油然而感。覓其可要挾人之勢力。起而力爭。以爲政治之後盾。則此次以中國之大學生留學生。而提唱抵制日貨。想亦不爲過也。若夫我國人今日之抵制北貨。則屬於何問題也。非關政治問題。不過以爭商爲結局耳。然爭商者。必當察自家之勢力。及其担此責任者。當屬於何項人。若夫我幼年之學生。年在十五六歲。二十歲以下。對於理財問題。有何責任。而爲遊街示威之舉乎。雖曰團體心之發表。誠可嘉矣。然大凡團體之發表。必有目的。必有適合之問題。不可躁率妄發。我人若曰。此次抵制之問題。乃爲一華僑人致專序段。故不導不羣。起抵制以爭商。夫爭商者。

乃國民生活上不可懈弛之問題。豈爲他人之罵我。而後熱心以行之。抑爲他人之讚我。而忍漠然視之者乎。如曰。因彼之辱罵。而增進我爭商之熱度。則其爭之道。當如何布置。使利權入我掌握。財源不至漏卮。然後爭之目的始得達。豈僅憑一辰血氣之怒。以抵制爲塞責乎。吾於是試與我同胞言爭之道。卽本論第二之問題所由發起也。第二之問題者何。卽自己謀裕其利源之謂也。我國之所以未能富國。雖有多緣故。然其重要緣故。則在乎人力缺乏之問題。前者余已言。我國之利源。只有天然土產物。而缺乏人工製造物也。然則我同胞欲富其國者。要當如何使人工製造物之與天然土產物同辰並進。而後可。但欲得人工製造物之出現。必須有機器。必須興工廠。其事業且浩大。我國人今日欲辨此浩大之事業。則當何所憑藉耶。窮而思之。勢不得不憑藉此原有之天然土產物。收取金錢。以爲組織之資本。質而言之。卽利用其米糖茶桂出港物之所得。以購買機器。建立工廠是也。統計一年間我出產物之所收入。數達百兆元以上。而被外貨之吸收者。華人方面十五六兆元。又歐美日各國方面者。凡幾其所贏餘之財。恐未足以應用於大事業之組織。則我民今日計惟有先從土產物。思廣其消售途。並增高其價值耳。夫欲土產物之廣消售。增價值。則必先從土產物改良。如粟米也。絲糖也。要如何適合於新辰代之需用。前者余亦已言。我之米不若日意之米。我之絲糖不若歐美之絲糖。故我土產物之消路太狹。而價值亦廉。我今欲我土產物。可消售於歐美。以增我之顧主。不爲華商所脅制。則我宜求其可以應用於歐美之方法。如穀種之選擇也。如製糖繅絲之新法也。要宜加心改造。我國近十年來。政府亦爲我民指示其改良土產物之方法。然察之我民未之寔行也。卽就農業上觀之。如選種之法。政府已詳細曉示於人民矣。然我農家常有拘

舊自足之觀念。余常見農人相坐談。人人皆曰。耕田樹穀之成法。大法人決不我若也。故無論如何指示。亦不仿效而行之。村野之人。有聞政府開耕農學堂。收學生以入學也。則私竊笑曰。農亦有學耶。我祖我父者。十世爲農。何曾學之有。噫。有此拘舊自足之觀念。所以土產物之不能暢銷增價也。吾人宜知夫我國之土產物。非僅供爲我人服用飲食之材料也。我人正藉此以輸出外國。換取有用之金錢者也。欲輸出外國。則必適於外國人之用。又必與他國之土產物相當。而後可消售。此所以必急於改良。急於選種也。日本之米美者。非日本之土質。必勝於我土質也。日本土地以瘦瘠名。我國南圻土地以肥饒名。而日本米之價。較我三倍。爲歐美人所歡迎。蓋日本之農業。其屬於製肥料擇禾秧之法。精也。我國農產。以南圻爲首。南圻一境。不啻粟米之太倉也。然南圻之田主。間有一人常擁有千畝幾千畝之地。然此各田主。除許農民領作以坐收其利外。曾有一人加功於農業改良之方法。指導各農民。以求粟米之優美乎。吾又試觀之中圻廣南廣義兩省。此兩省之民。以產糖爲業也。計糖務。此兩省民。一日間以其糖貨來售於華人者。約達五六萬餘元。然所出產者。則惟黑糖。赤糖居多數。非是糖質不能煑白之者。然業糖者以爲煑白。則勞工而重量減少。無寧製成赤糖。其中含有水成分。以增進其重量。故此項糖。亦只於華人消售之。他若各項土貨。亦莫不然。嗟乎。我人只見近而不見遠。膠舊而不知革新。故其理財之道。雖僅恃天然土產。而土產亦無發達之景象。吾人今日之最要者。在先謀土產物之發達已耳。若我土產物。既有發達之機。可以利售於各國。可以增高其價值。於是一年間。吾人摘取土產物。換得金錢所贏餘之款。以之購辦各工藝廠。著手從人工製造的事業。凡我社會所缺乏之製造物。今日寔不勝枚計矣。我人宜儉積勤累。合力同

心徐徐起辨。始焉而供本國人之用。使減少外貨之輸入。繼焉而供外國人之用。以增進出港之利源。其最後之結果也。則我國民之理財上。既有天然土產物。又有手工製造物。同辰出港。以增我國之入款。昔之一年間。所得者百兆餘元。今之一年間。所得者數百兆餘元。一則改良原有業。而使我土產物之增進。一則組織新業。而使製造物之增進。由此累加。其進境想無限量。斯辰也。我人可與各國人頡頏於商海上。無論何國人。皆我商友也。華人豈得而侮我辱我脅制我哉。噫。此乃我國人求雪恥之道也。我國人謀爭商之道也。切寔言之。此亦即我國人解決理財問題。以自保其生活之道也。夫我國今日既有百兆元以上之出港。非無可憑藉之資本也。又有指導引進之保護政府。非無可興旺之辰機也。然寔行之責。寔在我人。我之所以貧弱者。豈其罪在華商哉。由我人逸遊懶惰之所致也。由我人自私自利之所致也。由我人狹隘蔽錮之所致也。我人乎。如欲奮發有爲。則請自家宜抵制其好賭冶遊之習慣。自家宜抵制其埋銀守錢之習慣。自家宜抵制其貪詐疑忌之習慣。自家宜抵制其腐陋拘守之習慣。然後可以言理財。

間或有人見抵制示威之被警察干涉也。則或以此責望諸政府。或以此致疑於政府之不我保護。噫。此誠我民之誤會也。政府未嘗嚴禁本地人民之不能營商也。政府亦未嘗迫勒我人民。使必與客商相貿易也。商賈者仁我等自爲之。貿易者仁我等自擇之。非惟政府不之嚴禁。不之迫勒。而必思栽培其本地民。使於商場上。獲佔優勝地位。亦政府之深心也。蓋本地居民之財政豐裕。則政府之財政。亦有把握處。利我民者。即所以利於政府。栽培我等。乃政府之責任也。吾儕試觀之。平辰內地交通之事。凡華商由此省至彼省。雖附近地轄。必被通行紙之檢查。而我人則來往聽其便也。各

庸店門牌。華人開辦者。則必納重稅。而我人則獲輕減矣。以我人與華人相比較。則想亦不宜責望政府有所袒護於華人也。雖然。政府之保護我者。亦不能逾越乎法律之外。無論我人或華人。凡有何舉動。致礙社會上之安寧者。則政府必派警兵干涉。夫警兵干涉。以保持安寧之秩序。此亦一保護之責任所在也。吾儕於是深望吾人之態度。不宜有所妨礙於安寧的。以召警察之干涉。以傷吾人對於政府之感情。吾儕又深望吾人。當從實際的組織。以求政府正當之保護。譬如吾人欲合股本。開一商局。則以其條例存案。而請政府從法律的保護。以防禦其私肥中蠹之弊。吾人欲出港一大宗商貨。或遊商於外國。則請政府或恩減其出入之稅。或保護其居留之地。以維持商業上之勢力。且吾人欲辦某工廠也。欲興某寔業也。若有關於公共之利益。而力有未逮處。則請政府或以其資本贊助之。或選派技師。代聘工匠。以贊助之。此吾人所祈望於政府保護之之方法也。至於吾人對外商。而有違法之行動。則政府豈能爲吾人左袒。爲吾人緩頰哉。我同胞乎。勿見自己商業之未發達。而歸咎於政府不保護吾人之故。吾儕試思華人之僑商我地。彼對於彼國政府。則幾若風馬牛之不相及。彼對於居留地之政府。則不過與吾人同一庇蔭。彼未嘗私受何等之厚遇。較勝於我南人也。而何以彼之商業發達。我之商業不發達耶。窮而思之。寔由彼能忍耐勤儉之故。彼能寔心營業之故。彼能聯合團體互相信託之故。夫栽者培之。傾者覆之。天之道也。又歐語有云。天助自助。我人今日爭商之道。姑未暇求助於人。請先求助自己。亦忍耐而勤儉。亦寔心而營業。亦聯合團體。互相信託。而消除其自私自利之心。使政府曉然知我南人有爭商之資格。我南人有爭商之能力。斯辰也。何患乎政府之不栽培我贊助我哉。

此篇之作。吾儕原爲同胞說法。然不得不有一語以警告華僑諸君曰。諸君處我國土已久。諸君之生活。寔賴我國水土之澤。並我民對於諸君溫和之交際。以有今日。至今競爭世界。凡爲國民者。莫不思振起。以收復其自己之商權。卽世界上抵制外商之風潮。唱之者亦自諸君之國民始。此次安南人而有爭商之說。想亦人類自然之理勢。諸君凡有見識者。想不以此爲駭聞異見也。至於抵制行動。乃出於少年學生一辰血氣之怒。因華人之一書而生出。此事非國中識者社會爲之主動。雖然。自南至北。亦能守秩序。以對待諸君。且雙方亦得大法政府之保護。有何傷損於諸君之庸面。然則僑商者。仁諸君自由。而爭商者。亦仁我民自由。其勿見妬。其勿誣謗。以傷雙方之感情者可。

▲▲保護官場說

總督申仲懣國文原著

譯者譯

前月鄙人既以振整官場之說。登諸南風報。蓋由我國官場。被輿論之攻擊。不得不籌一改良之方法也。夫改良而議廢除供頓之款。則無亦因此而官場中之一二人。稍被損害。蓋官場中亦有多人。不敢有違法之行爲。然所恃以供應者。在乎歲辰餽遺之禮款。此禮款者。亦不過官界之一「自然俸祿」耳。今一旦廢除之。則以家無厚資。及不知趨媚之一流官界。將何所恃以培植自己之勢力。得無爲陞賞上之大阻礙乎。然則此項官界。吾儕將設何法以保護之乎。人之評論做官者。常有言「二勢一錢」。此語非單指做官者。凡營各藝業亦然。蓋世界者。乃人類之一競爭場。而勢與錢者。乃競爭上之利器也。

勢也者乃因朋輩之贊助。並依靠有權位之人。以植其勢力也。夫朋輩交相贊助。提掖乃世間之常情也。然雖爲其朋輩贊助。亦不可因此而妨礙他人。蓋贊助朋輩者。乃出於私情。而妨礙他人。則犯於公理也。且也使有品價的人物。藉勢力而做官。得占要津處高位。優於儕侶。此亦無妨也。然使其人無才無學。亦藉勢力以做官。則彼之做官者。一則占奪有才有學者之地位。二則損傷官場中之聲價。三則使被治人民受其苦痛。其害於國者何如。

錢也者。乃一無敵之猛力。中國人曾擬之爲神。

（錢神論）

美人名之爲天主（Dieu Dollar）我國人亦有

「錢穿律例」之諺語。吾儕試觀歐洲纔過去之大戰。其發起也。原由德人之爭利。而其戰勝也。亦由協商系各國之金錢的優勢。則足知金錢之勢力何如。雖然。金錢固有無敵之勢力。而其間必有公理存焉。若不憑公理。則凡多錢者。皆可任所欲爲。殺人傷人。社會於何存在。金錢雖貴。而有至貴者在。不可以金錢買也。使官職而可以錢買。則與物貨等。復何聲價之有。彼夫以錢買官之行爲。其玷辱於官界之聲譽爲何如乎。

趨媚者。乃下人向上乞憐之長技也。有人焉。無勢力。無金錢。且自返又無何等之才幹。於是只憑白家長技。以趨媚得高官。嗟乎。趨媚方法。寔無奇不有。縱余僅就耳目所及而叙述。想非著成。書恐不能盡寫也。總而言之。趨媚之徒。間亦有出以最低賤之行動。想凡世人。何係能知其爲人之資格者。決然不忍爲此也。其他凡占有地位。可以享受他人之趨媚我者。則何暇謝絕彼輩獻於我前之快心悅目的媚態者乎。非惟不謝絕之。而又竭力以袒護之。此亦世人之常情也。有人云。趨媚者乃弱種人自立之方法。雖然。必以倫理爲界限。今使有一官焉。趨媚而超出於倫理界限之外。則非惟損失官場之聲價。而且損失我國族類之聲價。

俗語「有才者可以做官。」噫。此語有辰亦未必盡然。有才朝聖主。然有聖主然後用賢臣。有成湯太甲武王劉備之爲君。然後有伊尹傅說周公孔明之爲臣。卽如才之小者。亦須合辰。如護堤捕賊之才。亦必遇大潦。或國家有事之日。然後可以施展。若夫昇平無事之日。則才者災也。有才人之被沈淪。搜困難。亦慣見之例耳。卽觀之古昔。何莫不然。戰國辰。屈原有愛國之心。而終至投身於汨羅。漢辰賈誼有經綸之志。而終至待罪於長沙。唐之韓愈。欲除弊政。而被貶於潮州。貶後公有詩云。「一封朝奏九重天。夕貶潮州八千本。爲聖朝除弊政。敢將衰朽惜殘年。」宋之蘇軾。以聰明名諸世。而終不能成大事業。公有詩云。「世人有子願聰明。聰明如我亦虛生。我願子孫愚且吝。無災無害到公卿。」我國昔辰亦有懷才而牢騷不得志者。如阮居貞有王佐之才。而久羈邊外。故公常托之於歌。有句云。「遠君王兮無以爲忠。離父母兮無以爲孝。」當 聖祖朝。何尊權李文復及申文權。（乃著此論者之祖父）都以博學廣見名世。而此三公者。均因公得罪。遂致充洋程効力。或往呂宋。或往新嘉坡。想當辰由我國往此各地。所駕者帆船。寄身於大海波濤之上。備嘗危險。非如今日以火船爲煖榻。逍遙作遊歷家也。天幸當辰上有明君。故諸公亦得開復見用。不然。將不留後人之感乎。

古今來多才者多難。蓋多才者常有放曠之性。此放曠性。卽今日所謂自由根性。是也。且無論何國。官場原非可自由之地。故奧之文士有云。「官場乃一矮屋。不能容納聰明底人。」中國之文士亦有詩云。「家鷄有食湯鍋近。野鶴無糧天地寬。」法國某博士。則比擬官場內與官場外之人。譬之家狗與野狗。家狗顧野狗而告之曰。「以君若是其羸弱困苦。曷不偕投我主。以肥其身。」野狗答曰。「君本肥也。然頸不離鎖。奈何。」名韉利鎖。乃世人之公病。而勢力金錢及趨媚三者。寔爲各國

保護官場說

人才之障礙物。且也。我國官場所遇之境。又與各國官場不同。蓋我國官場。又有各保護貴官之監督也。夫各保護貴官之對於被保護人。族類不同。言語不同。性情又不同。雖以各貴官之聰明。而其間亦有人焉。恐未必能透曉南人之性情者。夫對於被保護之人。若未能透曉其性情。而且。有賞罰之權。則不免有差誤之舉動。是以貴官中。何係性躁者。則我南官或因此而被辱。或被打。雖然。被貴官之見惡。而一時被辱者。固然矣。有人得貴官之見愛。而亦不免於困難。譬如有我南官。獲前茅。貴官之見愛。及繼蒞之貴官。與前蒞之貴官。不相能。則彼南官者。必重罹其惡影響。因是而我國官場。於纔接其本管之新貴官。必先詳細以察此貴官之性情。俾得順其性情。而服公務。我之性情不能自主。以貴官之性情為從違。故凡我南官之一世。所服屬於貴官者。多人。則其變換性質亦多次矣。昔年西黎 Challey 公往加窩 Java 國。考察荷蘭統治彼國之政策。有云。『各加窩官。凡得補任於某一省也。則不遑問此省之民情何如。而只問此省之公使官其性質何如。』夫西黎公之為此言者。其意想亦譏諷加窩之官界也。然請公試思之。加窩官之所以若是者。以其彼國正在他國保護之權下也。

我各南官之在北圻者。所遇之境。地。又與中圻不同。蓋自經略衙既罷之後。北圻各南官。無復有聯絡之線。間亦有人。同辰做官。而未嘗有晤面之機會。雖統使大臣。代替經略大使之權。然統使大臣。只炤公務上施行。至於南官之私誼。不遑及也。譬如有一南官謝世。統使官往吊。或派人代吊。則其往吊之舉。乃關於代表國家政府對於一從公人臨終之辰。唁吊之耳。非是代表同僚。對於死者親屬。而表其悲惜之情也。

因上叙之各理由。想凡我各南官。宜唱立一會其目的一則在乎聯結同業親愛之情。二則在乎保護會中各人所私享有之權利及名譽。三則在乎保護公眾所共享有之權利及名譽。凡何事而以一人之勢力不能發言。則以會之名義提出。蓋以公眾之團體。則其立言方有價值。使這會若成立。則官界中必獲其裨益。質而言之。可以減除官場中之弊習。而我南官對於各貴官。亦或因此而有親密之情也。

凡我官界列位。閱過本論。而有贊成立會之同意。則請以書寄到鄙人處。本論與前論不同。諸公欲同辰答覆者。請分別為兩紙。俾便分置於兩筆錄。蓋官場既振整。然後可以言保護也。若得多人之贊成。吾儕另草定立會之章程。

●傳記 汗漫遊記 (續六)

阮伯卓

第八章

中國之地理及最近歷史

(參考最近地輿及歷史)

吾人欲記遊中國內地者。則最先宜略叙中國之地理及近代歷史。以餉閱者。前者中國地理與歷史。得之書籍所載。如禹貢篇所謂冀、兗、青、徐、雍、豫、梁、荆、揚。名爲九州。又如歷史所謂唐、虞、夏、商、周、秦、漢、晉、宋、梁、陳、隋唐、五代之梁、唐、晉、漢、周及宋、元、明。共二十三代。此想吾人讀漢書者皆能知之也。毋須記述。本遊記余所記述者。現辰中國之地理及其國家現狀耳。余請先有一語告閱者曰。余入中國境。始於清宣統二年(一千九百十年)二月。而離中國時。則爲民國三年(一千九百十四年)六月。經過五年間。其時則正中國由專制帝國而改爲共和國之日。又正中國由滿清之手而交還諸漢族之日也。

(傳記) 汗漫遊記

(傳記) 汗漫遊記

百十六

中國位於亞細亞洲東南之大陸。包有內地平原。南北二嶺及東高原。其幅員則南起北緯十八度十三分。以瓊州島之崖州海岸為極端。北暨五十三度五十分之薩彥唐書謂之為白山嶺脊為極端。東起東經十八度十五分。以黑龍江烏蘇里河二水之會口為極端。西迄西經四十二度十一分。以蔥嶺之烏赤別里山口為極端。南北占三十六緯度強。長約七千一百餘里。東西占經度六十一度弱。廣約八千八百餘里。面積約三千二百六十四萬五千一百五十六方里。得亞洲大陸四分之一。占地界陸地十分之一。其疆界東接日本海、朝鮮、黃海、南沿中國海、而毗連我南國、暹羅、緬甸、印度。西抵印度及土耳其斯坦。北界西伯利亞。其境內則分為五大區如左。

本部——十八省。即直隸、山東、山西、陝西、甘肅、河南、江蘇、浙江、安徽、江西、福建、廣東、廣西、湖南、湖北、四川、貴州、雲南等省。此內地各省。於中國歷代帝王興亡事蹟最有關係。面積一千二十二萬四百二十二方里。較大於日本五倍。

滿洲——在中國本部之東北。即為東三省。盛京、吉林、黑龍江是也。此地為上古之肅慎、中古之靺鞨、渤海、遼金及滿清發祥之地。面積二百八十一萬九千三百二十九方里。

蒙古——在本部西北。域內分為二。沙漠以南至長城為內蒙古。以北至阿爾泰山為外蒙古。今之蒙古即昔之匈奴、突厥及元室發祥之地。面積九百二萬二千六百七方里。

伊犁——在中國本部正西。一名新疆。又名回疆。域內分為二。北部稱天山北路。南部稱天山南路。古之西域亦即此地。面積五百六萬九千四百八十四方里。

西蕃——分為二部。一青海位本部西北。一西藏位本部西南。藏又分為二。東稱前藏。西稱後藏。此地中古為吐蕃國。清辰入中國版圖。面積合五百六萬九千八百八十四方里。

中國之山脉有四。

〔一〕曰崑崙山脉。其本脉界西藏與伊犁之境。蜿蜒東走。過中國本部與蒙古之間。為祈連、賀蘭、興安、長白、諸山。其支脉入中國之本部者有二。一達黃河與揚子江流域之間。由四川甘肅兩省之界。連河南湖北安徽諸省之間。岷山、泰嶺、伏牛山等皆在此脉中。一分揚子江與珠江之流域。由雲南貴州二省。經廣西省。內起伏湖南廣東江西福建諸省之間。而入海。以成舟山羣島、苗嶺、大庾嶺、仙霞嶺等。皆在於此脉中。要之中國內部之山脉。由崑崙山發源。其達黃河與揚子江流域者。謂之北嶺山脉。其經過雲南貴州廣西廣東江西福建者。謂之南嶺山脉是也。

〔二〕天山山脉。在伊犁中部。東抵哈密之地。西入土耳其斯坦。

〔三〕喜馬拉加山脉。在西藏印度之界。其中高峯二千四百丈以上甚多。

〔四〕阿爾泰山脉。在蒙古與西伯利亞之間。一支接與安嶺。一支連黑龍江而成外興安嶺。

中國水流之大者為黃河與揚子江。均在中國內部。黃河發源於巴顏喀喇山東麓。中國常謂之為星宿海東經甘肅省北折過蒙古之地。即西頭於甘肅地分流長城外。又東頭於陝地分流長城內。更南折貫山西陝西二省之間。再經河

南之北。東流而至山東省以入於海。長約一千零二十餘里。雨水暴漲之際。常汎濫橫溢。自古患之。揚子江發源於巴顏喀喇山西麓。東入中國內部。過雲南四川。白川之布。楚河。南折雲南而成金沙江。又北折入四川。此江係在四川有鴉碧江。岷江。陪江。嘉陵

江。漢江。合流。出峽後成大江。界湖南岳州。可。再於洞庭湖。繼東。安徽。在安徽地分。可也。于江西之鄱陽湖。江蘇。至江蘇則謂之揚子江。而入于海。其出海口為長江北口。湖北。流至漢昌。則有漢水自西北來。合流成汪洋大河。安徽。于江西之鄱陽湖。江蘇。至江蘇則謂之揚子江。而入于海。其出海口為長江北口。其長約一千二百二十餘里。有舟楫之便。無汎濫之患。此二水黃河揚子江於中國開化上。有重

要之關係。他若淮水。古泗水之。源出河南省之桐柏山。東流入安徽境。潞。於安徽江蘇間之洪澤湖。其下游自江蘇連水縣入海。漢水。源出自陝。流自湖北之舊漢中。與安。員。陝。襄陽。安。漢。陽。六府之境。而入于江。白河。

傳記 汗漫遊記

(傳記) 汗漫遊記

源出邊外。經過直隸。流至天津與衛河合。由直注入海。**珠江** 在廣東境。本名粵江。嶺南諸水所歸也。上游有三。曰西江。北江。東江。三江會於波羅之南海神廟。由虎門流包有廣東廣西全部及雲南貴州之南部。水利之饒次于長江。等亦為著名之大河。

中國西南部又有一水條。與我國有關係者。瀾滄江是也。江之上源曰鄂穆楚。一名石鹿山。出西藏喀木部察木多西北之格爾吉山。亦由中崑崙山脈發源。隔雲嶺山脉。與金沙江並行。南流經雲南西境。至開化府分流。

一條達我國萊州之沱江。並合于珥河。又一條入暹羅哀牢界。為湄公河。至南圻為前江。後江。此兩條環抱我國以入海。而我國南北之二大平原亦受瀾滄江之賜焉。

中國之地勢。分山地。邱地。平地。三部。山地為雲南。四川。貴州。甘肅。陝西。山西。諸省。及西藏。伊犁。滿洲北部。殆居全國五分之二。邱地為揚子江以南。福建。江西。湖北。廣西。廣東。諸省。平地為直隸。山東。河南。江蘇。安徽。浙江。諸省。蓋西方高燥。東方卑濕。故水多東流而入於海。

要而言之。中國北則有黃河。中則有揚子江。長江。南則有珠江。此三流域。於灌溉交通上。大為便利。而土地之所以延袤。人種之所以繁多也。

中國東南二面臨海。沿岸之形。略如半環。東北自鴨綠江起。西南及於東京灣。欽州之明江口。與我國接界。所有海岸線。分為四部如左。

一 渤海沿岸。渤海乃奉天。遼東與山東環抱而成。由渤海而出黃海。則名為直隸海峽。其沿岸有營口。即遼河口。秦皇島。渤海之水。冬春常結冰。七八十日。惟此處四辰不凍。冬春之間。汽船爭泊於此。津海關。在天津現為通商巨港。而遼河灣。河白河。黃河之出口。皆注入於渤海焉。

二 黃海沿岸。揚子江以北。直隸海峽以東。鴨綠江口以西。凡直隸。盛京。山東。及江蘇北部一帶之海岸。皆屬於黃海沿岸。此沿岸屬於遼東半島有旅順港。為中國北洋天然之軍港。今屬於日本租借。大連灣。阿丁澳。大孤山與

高麗灣為有名。其屬於山東半島。則有芝罘。即煙臺威海衛。現英吉及膠州灣。為有名。自膠州灣以南。至于揚子江口一帶海岸。則流沙交互。無多良港焉。

三 東海沿岸。此沿岸自揚子江口以南。至臺灣海峽。跨有江蘇、浙江、福建三省。近揚子江口之吳淞口。有上海港。為中國全部通商之樞機。亦亞東有名之大商港。於福建有廈門港。為有名。距今四百六十年。葡萄牙人來求通商於此。今海船多淀泊焉。其餘灣港雖多。不具述。

四 南海沿岸。占臺灣海峽迤西。至雷州半島與瓊州大島間一帶之海岸是也。此海岸分。西人亦嘗謂之為支那海分。其沿岸之有名者。在潮州有汕頭港。廣州有九龍半島。一名大鵬。南與香港相接。今為英吉利租借地。廣東

灣。為珠江之出口。灣內有澳門地方。明辰許葡人居此。光緒十三年訂約。認為葡人之領土。廣州灣。在高州之南。雷州之東。今為大法領土。瓊州港。在瓊州島之北。名為海。南與雷州半島相對。及接夾東京灣

之北海通商港焉。

中國氣候。氣候各地不同。中國本部之北。自十一月至翌年三月。寒氣凝沍。河水凍結。中部之地。寒燠得宜。一歲中平均溫度。約華氏五十九度。南北冬期溫煖。辰有六十度。夏辰暑氣甚盛。又由太平洋及熱帶地方。而帶水蒸氣吹來時。則風深入內地而降雨。此降雨之期。為夏秋之際。雖僅歷三四月。然間亦因此而成洪水者。滿洲冬期甚寒。夏日酷熱。時或雷鳴。或雹下。蒙古及伊犁。空氣乾燥。降雨甚少。可稱世界少雨之地。西藏南有喜馬拉加之高山。其間雖山下之平地。較海面尚高千餘丈。比於緯度。則不甚炎熱。青海氣候略同西藏。

中國物產。在中國本部。則產米穀及蠶茶甚多。石炭則產於直隸、山西、四川、雲南諸省。其間又製出磁器、綢緞及採取藥材、魚鹽之類。富源極多。滿洲及蒙古產牛馬、騾、驢、駱駝等。伊犁產銅、鐵、玉石。西藏產金銀及毛布等。青海東北有水草。為天然牧場。

(傳記) 什魯遊記

中國之人種

(傳記) 汗漫遊記

一 漢族。從歷史上考察。漢族之最初根據地。似在崑崙山。五千年前順江河之源。遊牧入中國。居於內地之西部及北部。戰勝九黎三苗。攘其地而有之。黃帝以後至秦漢而極盛焉。現時居於內地十八省及奉天省。並移住於吉林黑龍江及新疆省。占中國民之最大多數者即漢族也。其人頭顱圓額顱平。眉目斜秀。而有美鬚眉者。

二 蒙古族。此族亦稱蒙兀。本室韋之別部也。室韋出於鮮卑。鮮卑出於東胡。東胡即通古斯。今西伯利亞

有通古斯河。西流入葉尼塞河。即為此種發源之地。此種人在南宋時有成吉思汗。幹歌歹汗。忽必

烈汗。父子祖孫相繼而起。收中國全部。國號元。震盪世界。曾役屬東部歐洲。且嘗侵入歐洲中部。德意各國土。前曾被蒙古兵。

至朱明起。此種被漢族逐出於漠北。今處於中國之西北部。名爲蒙古者。即此種人也。其

人目睛灰色。額微削而顱起。鬚髮不多。然因成吉思汗之子孫。多分藩遠征。遷徙者衆。故大半亦與

他種血統相混合。

三 滿洲族。滿洲出於女真。女真出於挹婁。挹婁出於肅慎。肅慎與鮮卑同種。鮮卑出於東胡。即通

古斯。故泰西人種學家。謂蒙古滿洲同出於通古斯。此種之得名於中國歷史者。即爲近日滿清時

代。其人於初生時。枕木坑上。故後腦骨稍扁平。其餘與蒙古人同。但無灰色目睛者。

四 突厥人種。其別種有名爲回紇者。當隋唐之際。奄有漠北。地稱萬里。至回紇興。突厥亡。後又被

併於蒙古。宋元辰據有天山南路。至于清代謂之回疆。今其遺裔散處於科布多。新疆。青海。各地。其

人頭形端而廣。面帶長卵形。間亦有蒙古眼者。鬚多。顱骨隆起。唇厚。鼻直而略高。

五 西藏人種。發源於西伯利亞之托波兒斯克地方。唐辰謂之爲吐蕃。吐蕃出於黨項。黨項出於鮮卑。故蒙古人記載。謂與吐蕃同族。而泰西人亦謂西藏人乃蒙古種中特別之種族。其人眼小而黑。鬚疏。顴骨突出。鼻平。口廣唇薄。上流社會之皮膚色似歐洲。尋常人之外貌則黃色也。

其他又有苗種。散居於中國之南部。如湘蜀黔滇兩粵之各地山分或沿海。有謂此卽爲古辰九黎三苗之遺裔。自黃帝戰勝蚩尤。此種退居於黃河之南。至陶唐世。堯征於丹水之南。則又驅諸江漢之間。舜辰雖竄諸三危。然其遺裔尙據有江南。至殷伐鬼方。周平荊蠻。春秋三國之辰。又相繼驅逐。故彼種不得不跨洞庭而南。散入嶺南各林分。其人被服繪績。好歌舞。挾巫蠱術。鑄銅鼓。以弓矢刀矛劍盾爲兵器焉。我國之土蠻。想亦此種。又有羌種者。散居於中國北部。如甘肅邊分者。此種之源祖。卽夏之西戎。商之氏羌。漢魏之大小月氏。先零羌。燒當羌等皆是。現今在天山南路迤西南入葱嶺。有一種人曰登根者。卽此種遺裔。其人鼻高眉低。目深睛大。鬚連於鬢。皮膚蒼粗。信奉天方教。常以白布纏頭。故漢人名之爲纏頭。回回云。

中國之言語。就全部上分別。則有七種。漢語。行於中國內地地方。蒙古語。行於蒙古地方。通古斯語。行於關東地方。突厥語。行於新疆地方。間語。行於西藏地方。阿利安語。行於天山南路一部分。苗語。行於南方土蠻。然但就內地之漢語上分別。則漢語雖同是單獨語。而語音又各地不同。地理學家常分至五十餘種之多。余今只就其大略者區別如左。

官話。官話有分爲北京南京之別。北京官話。通行於黃河流域。南京官話。通行於揚子江流域及廣西雲南。

(傳記) 汗漫遊記

百廿二

土音。土音則如廣東土音、福建土音、上海土音之類。土音之用途，只限於本土，不與外省通用。南方之廣西、雲南、湖北、湖南等省，用普通話與官話相似，故此各省之人，可以與北方人對話。若夫廣東、福建人，欲用官話者，必須學習，如學外國語一般。中國廣東之俗語有云：「第一怕官話，第二怕騎馬。」此可見廣東人學官話之苦。要而言之，中國言語之所通用者，惟官話一門。蓋各學堂皆以官話教授，及行官事者皆用官話，故也。雖然，廣東人散處各地甚多，故遊中國各地，若僅識廣東語，亦可以就廣東人所開設之客棧、商館、寄宿或交易，仍欲考察政治，或與政客交涉，則除非官話不能為功。昔年有外國人遊中國學語，曾云：學得中國話，學到老不盡。此可見中國語之不能統一。

漢人之性質及風俗。凡讀漢書者大約可推而知彼人之性情何如。然以余遊歷辰之所接觸，則彼國人大約南方之民性潤綽，北方之民性持守，南方之民性輕浮，北方之民性純厚。若夫勤儉、忍苦之習，則南北無異也。雖然，區域寬大，方言差殊，况百般之關係，亦各地不同，故其性質不能一律。若夫風俗，則中國以五千年禮義之邦，遺風流俗，多有存者。冠昏喪祭之儀，事上敬長之道，與我國大同小異。惟近日歐化東漸，舍舊圖新，亦甚急劇。如男子廢科舉之學，女子廢纏足之習，此寔維新上之有利益處。其他一般喜新厭舊之徒，更張太驟，竟至盡廢其本國之禮俗者，如文明結婚、男女平等、各問題相繼唱起，由之禮義凌夷，道德墜落，國中見識之士，不免有江河日下之悲焉。

中國近代之政教。朱明以前，中國之政教，歷在史冊，毋須贅述。余今請略述近代，先從滿清辰始。代。滿洲先世為女真別族，其後有愛新覺羅姓，努爾哈赤者崛起，是為清太祖。前此號滿洲，至太祖之子太尊，始更名為清也。滿清太祖崛起於長白山一帶，方明熹尊時。西曆一六二一滿帝都瀋陽，渡遼河，聲勢

大振。至明毅宗時。因吳三桂與李自成開釁。李自成陷京師。明帝殉國。西曆一六四三吳三桂請兵於清。清帝遂入關。佔有北京。於是代明稱帝。自太祖起。經三世而成帝業。其正帝位於中國者。即太宗之子。愛新覺羅氏名福臨。史載清世祖是也。建元順治。國號清。其辰西曆一千六百四十四年世祖之後。陷南京。平雲南。海內漸定。自是傳世十世。享年二百六十餘年。至宣統帝讓位於民國。今試考清之世系及其年代如左。

〔清〕世祖順治十八年自西曆一六四四年——聖祖康熙六十年自一六六二——世宗雍正十三年自一七二二

自一七二二——高宗乾隆六十年自一七三五年——仁宗嘉慶二十五年自一七九六——宣宗道光二十九年自一八二〇——文宗咸豐十一年自一八五〇——穆宗同治十三年自一八七四——德宗光緒三十四年自一八七五——宣統帝三年遜位自一九〇九

清廷從前亦行專制政體。大概從明制。至光緒年間。有鑒於世界之新趨勢。其政治大約組織如左。

皇室部

宗人府——內務府。

京朝部

內閣雍正以前。政歸內閣。乾隆以後。內閣之權。移於軍機處。只掌詔敕而已。軍機處掌參決軍國之機務。會議政務處專議一切新政。各部尚書預焉。軍諮處贊助皇帝通籌陸海軍事宜。稅務處掌全國之稅。外務部掌國際之交涉。吏部掌內外文職官之選補升降。及百官之升爵。承廢。世襲。等事。民政部掌全國之地方行政。地方自治。戶口疆界。巡警。營繕。保息。拯救。衛生。等事。度支部掌全國之田賦。關稅。權課。漕倉。公債。貨幣。銀行。及會計度支等事。禮部掌朝貢。郊廟。學校。頒正朔。燕饗。朝儀。等事。學部掌全國教育之事。陸軍部掌全國新舊軍隊。凡軍功。軍政。選補。升降。軍械。營房。驛站。軍臺。等事。海軍部掌全國之海軍。及軍港。戰艦。等事。法部司民事。刑事。牢獄。及一切司法上行政之事。農工商部司全國內外農工商之政。及鑛產。森林。漁業。商標。專利。等事。郵傳部司全國之郵政。路政。及與行政。都察院司糾察風紀政事之得失。此院獨立。不受行政官之節制。大理院司國事重罪審判不服之上控。詳議各省審擬之大辟案件。為全國最高之審判院。此院受法部之監督。與行政官相對待。

（傳記） 汗漫遊記

(傳記) 汗漫遊記

百廿四

右一閣四處十二部二院謂之為中央政府其他又有欽天監太醫院鑾輿衛翰林院雖有專職無關全國政治不備述焉

清季之地方行政如左

京師設府尹位列九卿權輿督撫同每省設一巡撫主持全省吏治軍政合數省則置總督兼轄之

其下設布政使掌租稅錢糧設按察使掌刑名驛傳有鹽省分別置鹽運使光緒三十一年增設提

學使掌教育宣統二年改按察使為提法使掌司法不兼驛傳於交涉較繁之省增設交涉使又於

各省有巡警道勸業道河道掌河各關監督鹽法道糧儲道云者道之下曰府有知府一人佐之者

同知府次曰直隸廳直隸州知廳事州事者亦曰同知光緒三十三年廢廳一切改為州縣縣有知縣事一人其佐曰縣

丞又於各地方分設審判各廳為司法獨立之基礎增設佐治各員為地方自治之基礎云

軍備則有八旗兵八旗者從滿洲之軍名以鑲黃正黃正白鑲白正紅鑲紅正藍鑲藍八色分別軍旗就中鑲黃正黃正白者乃清

各省及邊要。有將軍都統副都統分領之。以鎮守要塞之地。綠營兵綠營之制。沿自前明。皆漢人充運。有馬兵。步戰兵。陸軍光緒三十年。仿外

洋海軍者。仍軍隊船艦尙草創組織。之別皆分駐於各地

中國滿清辰代之教育中國未廢科舉前之教育其目的只在於造就官吏而已其學堂組織則

在京師有國子監教尊室子弟有宗學教皇親子弟有覺羅學教八旗子弟有景山學教內務府子弟全為貴族子弟而設

在各省府縣則有公立私立兩種公立者曰書院曰義學各不收受業束脩私立者則或紳富延師

於家以課子弟或塾師開門授徒鄉里子弟就而受業其教育之程度初級識字中級讀經高級學

作八股試帖又或一省之中有一二公立之經古書院則考據經史作古文駢文詩歌等或別延師

課以算數然此屬例外也

至於考試之式。初應試曰童生。無論長少初人學皆曰童其上曰附生。即已歷府縣之考試及經學政之考取其上曰廩膳生員。曰增廣生員。即附生又經學政考取。列優等受廩餼者曰廩膳生員。其額外者曰增廣生員。

凡附生廩膳生增廣生及恩拔歲優四項貢生。應鄉試中正額者曰舉人。中副額者曰副榜。貢生舉人應會試取中者曰貢士。貢士經欽派大臣監督殿試後。其試卷進呈。欽定一甲三名。曰狀元。榜眼。

探花。狀元授職修撰。榜眼探花授職編修。賜進士及第二甲賜進士出身。三甲賜同進士出身。二甲以下。前列以翰林庶吉士用。其次各部主事。其次內閣中書。其次知縣。經三年又再行一次擢陞。此清代考試用人之舊例然也。至光緒年間。因外界風潮之擊刺。朝廷始下特詔罷科舉。

從此專以學堂為通國人才出身之地。其學堂之組織有五級如左。

一 初等小學。

取國民教育普及主義。

二 高等小學。

授以普通知識較初等較高。

三 中學。

授以高等之普通知識。以預備入高等學。

四 高等學堂。

授以預備入專門之學。

五 分科大學。

授以精深之專門學問。

至於造就教員。則有優級師範學堂。初級師範學堂。女子師範學堂等種。此外於女界各設中小各學堂以教之。學問事業。女子與男子同辰並進。至武事之學。則各省有設軍事速成學校。如講武學堂。幹部學堂。軍官學堂之類。此各學堂。擇中學卒業之學生入學。大約三年練成軍界之將弁。更設陸軍小學中學等校。凡卒業者則派往日本或歐洲學習。以養成軍學之全材。自學制改革後。中國多派學生以出洋遊學。有分為官費生及私費生者。其遊學之國。則法、美、英、德及亞洲之日本。而其間以遊學於日本極多。學成之後。各以其學業歸國。贊助政府。或起辦社會之公益。或設校以教授國人。其成績寔大有可觀。而國中濟濟人才。於是輩出矣。

(傳記) 汗漫遊記

(傳記) 汗漫遊記

百廿六

要之。滿清之世。雖以關外入主中國。然屬於法政禮教。都是仿中國歷代之舊制以行。文字言語。一切皆從漢族。故世人有所謂中國近代幾三百年之歷史。漢種雖受治於滿人。而其寔則滿人被混化於漢種也。况當滿清辰代。既能效法歐日。練新軍。改學制。整國政。謀中國進步之途。及其晚年。見漢人之崛起。則以此新美事業。奉還諸民國之手。噫。滿清也者。亦漢族之功人也。

滿清之覆亡。民國之代興。一。晚近辰代。人類感受歐洲法國自由平等之風潮。各國國民。痛專制之毒。或唱民權。或要求立憲者。遍於世界。中國政體。乃專制之國也。因外潮擊激。人心奮起。發生種種運動。就初辰中國人之運動者。大約有兩主義。一。種族革命。二。政治革命。種族革命者。謂滿洲非漢種。而入主中國。鈐制漢人。且加以西后專政。寵宦官。仁羣小。摧士氣。剝民權。釀亂源。辱國體。內治既不振。而外交上復著著失敗。於是仇滿人益甚。而為排滿之運動。蓋彼輩以為中國大好河山。乃漢族所有。非擯斥滿洲。則不能掌握國之主權。而整頓之者也。政治革命者。則不必以種族為言。擁戴滿洲為中國皇帝可也。但當除專制之毒。改為立憲政體。組內閣。開國會。要從政治上改革而已。方此人心思奮之辰。滿清朝廷。欲利用其一派。以保存自己位置。於是不得已贊成政治革命派。而抵禦種族革命派。光緒年間。遣載澤輩遊歷各國。考察憲政。至光緒三十一年。遂有預備立憲之詔。設立憲政編查館。又於京師開資政院。各省設諮議局。期以九年召集國會。寔行立憲。凡此行為。雖滿清朝廷之有誠意與否。寔未可知。然大概皆順時之政策者也。不謂佐滿洲之諸臣。不務寔行。徒事粉飾。且欲因國政紛擾之日。摧抑民氣。媚悅滿人。以自樹勢力。彼輩所議立憲者。則謂憲法必由欽定。不許人民干預。所組織內閣者。則閣員以皇族居多數。於是

人人皆知滿清朝廷立憲之無誠意。况其辰德尊西后。相繼崩逝。宣統幼君繼統。載灃執政。優柔寡斷。政出多門。親貴擅權。賄賂公行。人民結怨。而政治革命之派。因此不能達其目的。不能以溫知手段。號召國民。遂為種族革命派所吸收矣。一千九百一十一年大凡公憤之蓄已久。必有炸發之一日。四川鐵路案。正為中國革命之導火也。宣統三年。一千九百一十一年詔以鐵路為國有。取銷商辦。於是商民大起抗爭。朝旨嚴厲。疊下格殺勿論之諭。人心愈激。相率結成保路會於四川省。停課罷市。風潮日急。政府力主痛剿。戕殺無算。人心思亂。八月十九日。革命軍起於武昌。總督瑞澂夜遁。公推黎元洪為都督。辰黎元洪方為湖北陸軍協統。兩日間。遂據漢口。漢陽。出示安民。東西各國。嚴守中立。清廷大震。遂命陸軍大臣蔭昌督師。起用袁世凱為湖廣總督。組織責任內閣。以馮國璋督師攻武漢。收復之。然民軍又取南京。北方諸省。亦有起義者。清廷乃命停戰議和。袁世凱委任唐紹儀為代表。民軍委任伍廷芳為代表。會議於上海。久而未決。會孫文自海外歸。各省因舉為臨時大總統。以十一月十三日。就職於南京。孫文就職後。袁世凱撤銷唐紹儀代表名義。自與民軍通電。續議久之。議成。清帝退位。民國予以優待之條件。南北統一。孫文辭職。公推袁世凱為臨辰大總統。黎元洪為副總統。合漢滿蒙回藏五大部落之民族。為共和國。國旗以五色。三月十日。袁世凱就職於北京。

民國成立後中國之組織如左。

大總統。統一國內之行政。有設政事堂。堂之下分設各局。如法制局。機要局。銓叙局。主計局。印鑄局。司務局云。

立法院。立法院為民國議會。由中央特別選舉會選出者四十人。各省選舉會選出者二百零二人。各特別行政區域選出者九人。蒙古西藏青海選出者二十四人。向上共三百十六人充之。

(傳記) 汗漫遊記

百廿八

直隸於總統之中央政府各部如左。

外交部——有政務司、通商司、交通司。內務部——有民治、警政、職方、典禮、考績各司。

財政部——有賦稅會計、帛幣、公債、庫藏各司。陸軍部——有軍衡、軍務、軍械、軍學、軍需、軍醫、軍法、

軍牧各司。海軍部——有軍衡、軍務、軍械、軍學、軍需、軍法各司。司法部——有民事、刑事、監獄各司。

教育部——有普通教育、專門教育、社會教育各司。農商部——有鑛政、農林、工商各司。

交通部——有路政、路工、郵傳、綜核、鐵路會計、郵傳會計各司。

地方之組織如左。

方革命成功之辰，則省設都督以統轄全省。其後定為軍民分治。都督則屬於軍事行政。其謀民政者，則省各設巡按使。巡按使之下，各道設道尹。道尹之下，各縣設縣知事。又於各省有設省議會。以建議省轄內之預算及監督省轄行政事宜。至於教育制度，大約與滿清辰代無甚差別。今試舉一簡表，以示中國近代之官級。

文班
上卿 中卿 少卿
上大夫 中大夫 少大夫
上士 中士 少士

特任職

薦任職

委任職

武班
上將 中將 少將
上校 中校 少校
上尉 中尉 少尉

特補

簡補

薦補

本章所叙述。乃記者因草此遊記。略叙一鄰國近日之領土形勢。及其改革情狀。組織制度。以便我人之考察耳。政事得失。不暇批評也。茲記者復就正題。記及漫遊中國內地辰之經過。 [未完]

●整頓官場問題

●贊成書

總督致仕

公來書

上審院大制軍申先生兄翁……敬啓者。節讀報章。每見排擊官場。深夜自問。極知四十年前。居官枉法不淺。但曩日之日。報館言權。未有出現。不聞排擊如此之劇烈。今日之日。凡事逐漸改良。近承政府糧俸厚加。正以勸廉之尊旨。加俸之後。尙守此風。責備賢者。甚爲正當。我輩官長所當深悔。先我自禁。嚴飭屬下。誰敢弗從。倘尙有少人。蓬生麻中。不扶自直。未幾歲此。弊必至冰消矣。蓋餽遺明投之物。易禁。非如暗取而難防也。若既領加俸。節時頓物。又公然取之。儼作富翁。不以報文排擊爲重輕。厚俸尊旨。亦不以爲重輕耶。抑待政府禁令森嚴。方醒悟耶。忝淺擬廢除供頓。長官甚爲合理。啓定四年八月廿日

叟休

呈

●文苑 古人詩文

▲淇川詩草

讀松堂秋懷之作。因次其韻

海甸西風攪旅情。筆峯殘月傍窗明。謾將一夕論千古。無那懷人獨四更。北伐重山勞轉餉。南

來諸將諱談兵。吟殘塞上新秋曲。臥聽瀟瀟簷雨聲。

立夏日林下散步奉寄雲麓阮洵叔

羈栖寡儔侶。拄杖恣行吟。春風昨夜歸。淑景餘前林。聽鶯愜俗耳。臨池滌煩襟。可以銷永日。聊

整頓官場問題

百廿九

（文地） 古人詩文

忘。遲。暮。心。倦。懷。雲。籠。子。逍。遙。闔。風。岑。清。颺。滿。瑤。袖。卿。月。燦。花。簪。肯。信。窮。簷。下。片。涼。抵。商。霖。

村居

村。居。少。塵。事。而。我。不。追。安。傍。竹。移。吟。石。牽。蘿。護。藥。欄。酒。狂。銷。日。易。鄉。夢。到。家。難。賴。有。林。栖。伴。相。過。賦。考。槃。

示元田阮子美

吾。道。人。皆。賤。煩。君。晚。見。招。誅。茅。分。隙。地。貯。月。對。寒。宵。正。論。羣。公。在。餘。生。積。毀。銷。區。區。畚。鍤。役。何。補。聖。明。朝。

檳榔樹

直。幹。亭。亭。不。受。條。搖。風。捧。日。想。孤。標。窮。冬。自。有。凌。霜。節。偏。讓。寒。松。作。後。凋。

梧桐

常得京中桐樹植義廳傍。去官後有移植村塢者。

翠。幹。疎。陰。拂。署。寒。驚。秋。一。葉。百。花。闌。鸞。停。鳳。噦。無。消。息。輸。與。村。翁。護。井。幹。

夏月泛舟

癸酉年以下

驚。颺。吹。我。去。一。夕。向。江。渚。不。知。雲。壑。深。慣。與。漁。

白三十

樵。處。滄。洲。五。六。月。微。雨。洗。寒。暑。霽。景。涵。遠。空。疎。煙。散。平。楚。呼。童。載。美。酒。扁。舟。弄。芳。濟。停。橈。擷。澗。毛。倚。棹。聆。禽。語。辰。來。衆。物。好。慮。屏。百。憂。擘。江。湖。足。清。賞。羈。遊。寡。儔。侶。興。盡。晚。來。歸。長。歌。發。花。嶼。

刊仲長統詩

古。來。繞。繞。委。曲。如。鎖。寄。愁。天。上。埋。憂。地。下。抗。志。山。西。游。心。江。左。元。氣。爲。舟。微。風。爲。拖。放。翔。太。清。縱。意。遊。冶。

江亭題壁

歷。盡。危。機。碎。魄。蘇。海。天。何。處。認。歸。途。半。窗。水。月。南。中。景。四。壁。雲。山。物。外。圖。高。臥。漸。成。稽。叔。懶。放。歌。誰。信。柳。州。愚。酒。酣。岸。幘。江。村。晚。閒。許。沙。鷗。伴。釣。徒。

今人詩文

雲亭宮保少楊公 京遊近作

興國紀念慶節

上躬詣

世廟行禮恭紀四首

其一 禁鐘鳴曉響蓬萊警蹕傳聲闐闐開九鼎

宮庭金鳳峙五雲天上。玉龍來。

其二 鹵簿森陳雅樂宣。百官袍笏奉明禋。讀因連切

旌旗飛動龍蛇影。想像山河大定年。

其三 兩雨風風幾日前。前數日連雨。是日大晴霽。吾皇孝感

動穹玄。帝教屏翳迎晴旭。高廟精神監在天。

其四 立海三峯奠六鰲。南溟無復撼長濤。

皇情感涕艱難造。殿上焚香濕玉袍。奉面諭。是日焚香世廟。感念艱難。不覺淚下。

世廟禮成 上御勤政殿受賀恭紀三首

其一 鐘虜碎訇奏大庭。九重端冕坐承明。百

官跪進金箋表。賀砲轟鳴百二聲。是日禮官奏禮成。午闕外發賀砲一百二十響。

其二 天祚 皇南 聖聖生。漠然山水復高。清

白旄黃鉞中興日。雲騎依依繞御屏。

其三 老臣拜入 大宮門。金殿煌煌 帝座尊。

三十年前朝覲地。回頭光景別乾坤。是日琳隨班趨。拜仰見。

宮殿巍煌。朝儀整肅。回思年前塵跡。史館目之所見者。至今則已大別光景矣。

（文苑） 今人詩文

上御五鳳樓觀大閱恭紀二首

分行象馬肅旌旄。鐃鼓三軍劍氣高。翹首午門

樓上望太平。天子著戎袍。

其二 興國軍容耀。帝城山河草木想餘靈。順

安海汎思賢口。萬陌飛濤萬馬蹙。

晚分 上御正觀演戲恭紀六首

其一 敷文樓上水邊亭。舞佾歌笙奏九成。觀樂

嘉賓齊嘆賞。皇南自古已文明。是日舞佾八行。每聲音同調。步武同律。住京欽使節驕大臣。與貴官在御座側觀樂。莫不拍手嘆賞。

其二 午闕旗臺燈鏡懸。千珠萬顆入雲烟。還疑

拱極星。星向合作人間不夜天。

其三 兩岸香江千樹燈。象浮水面鱷波騰。中流

現出蓬萊境。五鳳門樓五彩棚。讀蒲登切。香江中流。尊人府京兆尹各一棚。張燈結彩。候補場學生一棚。像富春城門。皆于水上分列左右。又有白象鱷魚飛浮水面。紀中興故事也。

其四 張趙巴州熊虎人。截江演曲看如真。七飛

樓艦雲雷際。轉憶中興舊將臣。清平隊演曲用張翼德。趙子龍截江故事於香

江上。舟帆追逐。一肖真境。

逐。一肖真境。

逐。一肖真境。

（文苑）今人詩文

其五 一燈青間一燈紅。花砲繽紛落半空。清徹香江江水影。星河下浴一宵中。

其六 塞路充衢歡喜心。金吾不禁夜光深。江船如織人如海。鼓吹聲高萬響沈。
是夜演戲觀者如堵。通宵不用彈壓。而絕無喧聲。始知帝都禮法之地。非列城所可及也。

安定宮恭紀二首

安定宮者。上潛龍舊邸也。上登光卽其舊址建門樓殿閣。辰奉兩宮駕幸。爲侍膳宴游之所。示不忘本。宮門聯字。花形九龍鱗甲。皆以五色瓷器片片結成。觀者奪目。以爲輝煌金碧。初不知其爲瓷器碎片也。貴全權沙露大臣入謁。驚異以爲寰球第一奇創。中華國門有二處甚壯麗。然皆金飭誇其富。此瓷器更是雅觀。且間恰好物。如何給用。上嘗謂三十年潛邸辰所儲積者。段大臣爲余述其事。詩以紀之。

其一 八角門樓千歲宮。九龍鱗甲曉雲紅。人間砂土成金碧。總入皇王妙化中。
其二 潛龍舊邸壯。皇都孝奉宸心識。得無更有羹牆深。想慕清宮畫遍八陵圖。
上殷求治理。思貴。

步羅改良風俗記

今之崇拜文明。動輒曰改良改良。然而改良其形式。究不若改良其精神。所謂熱血購文明。端在執鄉政者之盡心焉耳。太平近海。民氣漲豁。新潮一瀉。吸受尤猛。爲北圻進化史第一開幕。良具纒唱

前猷。安定宮左右粉牆。奉畫列聖山陵。蓋寓羹牆深意。耳目間未嘗刻置也。

百卅二

瞻拜 山陵恭紀四首

其一 翼聖宸翰。日月高雲。章濃郁起。炎郊老臣。跪讀遺碑。字萬壑松風。萬丈濤。

其二 路過 郊壇入 二陵。長松夾道步層層。

白頭宮監談遺事。稽首 神宮淚滿膺。
琳釋褐出。仕。皆目。

嗣德 朝代。今七十歲矣。殘年暮齒。瞻拜 山陵。聊伸感念。初抵 陵門外。通帖於宮監。宮監者名鳳。與余有舊。齒亦相等。啓宮門引之入。因藉宮監指示拜位。稽首五拜。方敢進步。先聖宮人之守陵。聞有北圻白髮。臣來亦相見。坐間與老監追述。先朝恩澤。皆愴然淚下。

其三 宏濟艱難 帝業尊。中興象馬想如存。
前陵亭石象馬。兩兩對侍。鼎湖渺望。黃龍騎白髮。遺臣帶淚痕。

其四 皇帝親題 神道碑。至文一字一珠垂。謙陵片石同千古。哉崇山河奉所知。

右各詩首總釋 申仲樞公圈點

太平巡撫檀園范文樹撰

應而起者五六十社。泱泱風趨。改良之好名辭。鼓吹殆遍。無何熱心易冷。團力難鞏。精神敗矣。并形式而俱朽。武仙步羅其最後起焉者也。率老若少。視鄉如家人。各具自治之資格。懲故弊。謀新益。動有秩序。首興鄉校。男界女界。新學普矣。繼開工廠。紡業陶業。美術備矣。他若整理道路。疏通溝洫。置監農司。設警察部。凡百興作。無一苟且。種種形式。悉竟載以最新精神。余曾偕同城學使。按行部。馳轡軒登鍾樓。開演壇。恍然步入大羅天境界。喜極而感。相對父老歌且泣之。自事逐世局。江河土風窮則變。變則通。此蓋天演之劫例也。不急於改良。民族何以生存。不止當我輩。且長所以成立。可愛哉步羅。可勛哉步羅。若邱若樹。若亭若壇。皆我祖若父積汗所結構也。亦皆我子而孫。新淚所粉飾也。天其永命于斯新邑。以永終譽。步羅步羅。將一步十丈。一步千里。步步愈進。真不負其為修到大羅天。余官太平將老矣。讀康誥曰。作新民。窃自歎焉。乃猶黽勉樂與邑宰阮石葉廣。遊鄉里。談改良。良以明明德新民。孔學派之所宜行於今世界也。普願執鄉政者。於改良界須圓滿堅忍。別擇等德性。無為徒具良名之良具。且勉為步到大羅之步羅。爰額于新學堂。

前期改正

第廿六期 論金錢之勢力

第卅六張第一行【雖就法律上論】遺論字

第卅七張第十二行【幾盡為有錢者……】有字誤印占字

第卅八張第四行【得錢之目的】遺錢字

第四十張第二行【為錢而喪自家……】喪字誤印表字

步羅改良風俗記

第廿七期 論我國佛教及香跡山洞之光景

第四一張第十行【毒人性情之一怪物】怪字誤印輕字

第七五張第一行【使能堅忍】能字誤印得字

第八十張第十行【以及解冤殿呈殿】遺呈殿二字

第八十張第十行【立洞中而遠眺】立字誤印之字

戰後歐洲列國之新形勢

▲戰後歐洲列國之新形勢

羅維

協約國及共同作戰國對德和約。業於五月二十八日在凡爾賽簽定。國際平和從此肇始。世界經此一番大變動後面目全非。各國疆域大部分業經改造。而尤以歐陸疆域變遷為最甚。試披閱本期所刊歐洲改造地圖。則沿來因河阿爾卑山亞得里亞海以東。從前各國疆界幾無一保留焉。當五年前大戰爆發之際。歐洲之獨立國共二十有二。一聖馬力拿萊取登斯太恩安多拉等小國均未許入。迨目前和約簽定後。則領土未變更者凡九國。即不列顛西班牙葡萄牙瑞士瑞典挪威丹麥荷蘭盧森堡是也。領土變更者凡十三國。即法蘭西比利時意大利俄羅斯德意志奧大利塞爾維亞門的內哥羅羅馬尼亞希臘亞爾巴尼亞保加利亞土耳其是也。其中塞爾維亞與門的內哥羅則與奧屬南斯拉夫領土全併成爲塞爾維克羅斯洛伐尼新國。而土耳其則完全失其在歐洲之領土焉。此外新興之國其獨立已經確定者凡五國。即波蘭匈加利捷克斯洛伐克塞爾維克羅斯洛伐尼芬蘭是也。計舊有獨立國除合併或失去領土者三國。其餘十九國加入新獨立者五。一未確定者及自治領地均未計入。一現有之獨立國凡二十四焉。茲分述其形勢概要如下。閱者於此可以略識歐陸變遷之一班焉。

●第一 領土未變更之國

- (一) 不列顛帝國 Empire britannique 面積 十二萬一千七百五十三方哩。 人口 四千六百三十二萬八千。
- 國都 倫敦 Londres

(附註)面積人口均照歐洲內計算。在歐洲外者不計。人口據 Statesman's yearbook 1917 以下同。

百卅四

(二) 西班牙 Espagne 面積 十九萬四方千哩。

人口 二千萬。 國都 馬德里 Madrid

(三) 葡萄牙 Portugal 面積 三萬五千四百九十方哩。

人口 六百萬。 國都 里斯本 Lisbonne

(四) 瑞士 Suisse 面積 一萬五千九百七十六方哩。

人口 三百八十八萬。 國都 伯爾尼 Berne

(五) 瑞典 Suede 面積 十七萬方哩。

人口 五百七十五萬七千。 國都 斯篤克荷謨 Stockholm

(六) 挪威 Norvège 面積 十二萬四千六百四十三方哩。

人口 二百四十萬。 國都 基利斯的亞尼亞 Kristiania

(七) 丹麥 Danemark 面積 一萬五千五百八十二方哩。

人口 二百九十四萬。 國都 哥本哈根 Copenhagen

(八) 荷蘭 Hollande 面積 一萬二千五百一十一方哩。

人口 六百四十五萬。 國都 海牙 The Hague

(九) 盧森堡 Luxembourg 面積 九百九十一方哩。

人口 二十六萬。 國都 盧森堡 Luxembourg

●第二 領土變更之國

- (一) 法蘭西 France 面積 戰前爲二十萬七千方哩。現增至二十一萬四千方哩。 人口 戰前爲三千九百六十萬。現增至四千餘萬。 國都 巴黎 Paris

疆域變更概略。北西南界未變更。惟東界增亞爾撒斯勞倫二省之地。又占領薩爾煤礦至十五年之久。

(一) 比利時 *Belgique* 面積 一萬一千餘方里。

人口 七百五十餘萬。國都 不魯日 *Bruxelles*

疆域變更概略 東界外德屬之馬來斯納德 *Moresnet* 歐本

Eupen 瑪爾梅第 *Malmédy* 三地割歸比國。餘無變更。

(二) 意大利 *Italie* 面積 戰前十一萬方里。戰後未定。

人口 戰前三千六百餘萬。戰後未定。國都 羅馬 *Rome*

疆域變更概略 西北南界無變更。東及東北與舊奧屬接界之

地將由協約國及共同作戰國重行劃定。大概佳里安阿爾卑山

脈 *Alpes* 以東領土的羅爾 *Tyrol* 德里斯德 *Trieste* 及其他

亞得里亞東岸海口。即所稱爲「意大利未贖回地」*Italia Irredenta* 者均將劃入意國版圖。

(四) 俄羅斯 *Russie* 俄國自革命後內部分裂擾亂無已。此大國家

之前途若何。殆難預測。就目前情形而論。歐洲俄羅斯僅中部東

部一部分土地歸俄羅斯勞兵會聯邦共和國政府占有。其西部

南部則分裂爲數多之獨立國。及自治領域。(詳後)故其疆域人

口尙難表出。

(五) 德意志 *Allemagne* 面積 戰前德意志在歐洲領土共占二十

萬八千七百八十方里。現減至十萬餘方里。

人口 戰前爲六千五百萬。現減至五千萬。

國都 政府在柏林 *Berlin*。國會在韋瑪 *Weimar*。

疆域變更概略 西界以馬來斯納德歐本瑪爾梅第割讓比利

時。以亞爾撒斯勞倫割讓法國。以薩爾流域 *Vallée de la Sarre*

戰後歐洲列國之新形勢

歸國際同盟管理。來因河西岸至法比交界地。造成來因河共和

國。北界以石勒斯活格 *Schleswig* 歸丹 公決。西界以西普魯

士波森西里西亞之一部分割讓波蘭。餘格爲自由城歸國

際同盟管理。以西普魯士及東普魯士 部分歸其地住民自

決。以東普魯士之美末爾 *Memel* 割 國。南界無變更。計

新德意志共和國。北北海丹麥 向海西界荷蘭比利士

盧森堡法蘭西。南界瑞 厄斯洛伐

(六) 奧大利 *Autriche* 戰前奧國 國共有領土二十四

萬方里。現在之日 奧大利國僅有領土四萬餘方里。

人口 戰前奧匈 聯邦國共 人口五千萬。現在之日耳曼

奧大利 國。僅有人口五六百萬。 國都 維也納 *Vienne*

疆域變更概略 日耳曼奧大利 詳細疆界尙未經劃定。惟

其變更概略以下(一)西界及西 佳利安阿爾卑山脈以西

德里斯德伊斯的里亞半島及的羅等諸州割歸意大利。(二)

北境波希米亞 *Bohème* 摩拉維亞 *Moravie* 諸省以北均脫

離而成捷克斯洛伐克新國。(三)東北境之加利細亞州 *Galicie*

割歸波蘭。(四)東境匈加利獨立。(五)南境克羅西亞斯洛伐尼

諸州。及亞得里亞海沿岸地波斯尼亞 *Bosnie* 赫塞哥維那

Herzegovine 二州均割歸南斯拉夫國。

(七) 塞爾維亞 *Serbie* 塞爾維亞王國現與奧匈國內之南斯拉夫民

族居住地合併。造成塞爾維克羅西斯洛伐尼新國家。詳見下方。

戰後歐洲列國之新形勢

(八) 門的內哥羅 Montenegro 門的內哥羅前途尚未決定。大概將并入南斯拉夫新國。而造成一大聯邦國焉。

(九) 羅馬尼亞 Roumaine 面積 戰前約五萬三千餘方里。現增至十萬方里。

人口 戰前約六百萬。現增至一千餘萬。國都 蒲加勒斯德 Bucarest

疆域變更概略 羅馬尼亞領土約較戰前增加一倍。其東北境舊屬俄國之比薩拉比亞 Bessarabie 可劃入羅國版圖。

西北 境之達郎西瓦尼亞 Transylvanie (舊屬匈牙利) 諸地亦劃歸羅國。自後羅馬尼亞可一躍而成巴爾幹之大國焉。

(十) 希臘 Grece 面積 戰前約四萬二千方里。現可增至六萬方里左右。(專指歐洲方面言下同)

人口 戰前約四百八十萬。現可增至七百萬以上。

國都 雅典 Athens

疆域變更概略 希臘除在亞洲新得領土不計外。在歐洲可得舊辰歐洲土耳其之全部領土。并與此連接之保加利亞南境領土。又前屬亞爾巴尼亞之愛批列斯 Epirus 亦可歸還希臘焉。若合亞洲方面新獲領土合計之。則希臘國界。定增至一倍有奇云。

(十一) 亞爾巴尼亞 Albanie 面積 約 萬方里。

人口 八十餘萬。國都 杜拉若 Durazis

疆域變更概略 亞爾巴尼亞除將南部之愛批列斯割歸希臘

外。其他當不至有所變更。

(十二) 保加利亞 Bulgarie 面積 約四萬方里。

人口 約四百萬。國都 蘇菲亞 Sofia

疆域變更概略 保加利亞東北兩界不至變更。惟南部在希臘及舊歐洲土耳其領土間者。須割歸希臘。

(十三) 土耳其 Turquie 土耳其帝國將被逐出歐洲外。而建國於地中海北岸之亞達利亞 Adalia 其在歐洲領土全由希臘佔領。君士坦丁堡及巴斯福洛斯特他大尼里南海峽。將由國際同盟管理焉。

● 第三 新興國之口治領地

(一) 波蘭 Pologne 面積 約十萬方里。

人口 約二千餘萬。國都 華沙 Warszawa (未確定)

概略 現在波蘭之疆域。據古代波蘭王國之大部分領土。即前俄領波蘭。及前奧領西普魯士波森

西里西亞 出。一段歸該地住民自

西普魯士之丹齊格 Gdansk 自由城。由國際同盟管轄。作為波蘭之自由出海口焉。此波蘭新國北界波森的海及德

屬東普魯士南界捷克斯洛伐克。匈加利。西界德意志。東界俄國。及立陶宛烏克蘭南自治。與南界羅馬尼亞云。

(二) 匈加利 Hongrie 面積 約五十六萬方里。

人口 約一千萬。國都 布達佩斯 Budapest

概略 現在之新匈加利獨立國較奧匈聯邦內之匈加利領土更為狹小。其北部之**斯洛伐克**州割與捷克斯洛伐克國東南部之達朗西瓦尼亞割與羅馬尼亞。南部之克羅西洛伐尼等數州則割與南斯拉夫。又南境之拔那得 Banet 即馬洛斯河以南推斯河以東領土則南斯拉夫與羅馬尼亞互相爭執將來究屬何國尚未可知焉。

(三) **捷克斯洛伐克** Tchécoslovaquie 面積 約五萬五千方里。

人口 約一千四百萬 國都 **柏拉格** Prague

概括 捷克斯洛伐克包括**奧匈**屬之波希米亞**摩拉維亞**西里西亞**斯洛伐克**四州之地。北界德國與波蘭南界及奧大利匈加利。西界德國東北界波蘭。

(四) **塞爾維克 羅西斯洛伐尼** Serbe-Croate-Slovene (即南斯拉夫國) 面積 約十萬方里。

人口 約一千二百萬 國都 貝爾格勒德 Belgrade

概略 **南斯拉夫國界** 包括舊塞爾維亞王國及前屬**奧匈之克羅西斯洛伐尼達馬西波斯尼亞赫塞**哥維那諸州。將來門的內哥羅領土亦可望合併。其**濱亞得里亞海**之**伊斯的里亞**半島及達馬西海岸則尚與意國爭執未決焉。

(五) **芬蘭共和國** République de Finlande 面積 十二萬五千

六百八十九方里。

人口 約三百五十萬 國都 海爾辛福 Helsingfors

戰後歐洲列國之新形勢

概略 芬蘭共和國包括前俄領芬蘭大公國土地之全部。東界與**羅斯**。北界俄屬**臘魄蘭 Lapland**。西界**波的尼亞**海灣 Botnie 南界芬蘭。

● **第四 未確定之獨立國及自治領地**

(一) **萊茵河共和國** République Rhenan 面積 約七萬方里。

人口 約七百餘萬 國都

概略 舊德舊來因省居國其疆域東至

德軍備撤廢地帶 東南界 巴伐利亞 邦北

界荷蘭 西界比利時 盧森堡 西 界國際管領之薩爾流域及公國亞爾撒斯州。此新共和國獨立尚未經確定焉。

(二) **俄國自治領地** 歐洲俄羅斯 西南南部領土曾宣布獨立 計六區 惟其內部均未統 皆未經列強承認故特列入自治領地略述其位置及國情

烏克蘭 Ukraine 烏克蘭即小俄羅斯為俄羅斯各自治領地中之最大者。包有歐俄南部之太半。東至波蘭羅馬尼亞。接

界地北至普利彼得河 Pripet A 東至哈哥夫省 Kharkof 之邊界南至黑海。面積約十餘萬方里。都城名**奧台賽 Odessa** 位於黑海之濱焉。

高加索 Caucase 在黑海裏海之間。橫跨歐亞大陸面積約一萬

八千方里。俄國革命後即宣布獨立。

喬治尼亞 Georgie 喬治尼亞為古代之一獨立國。即今高加

百卅七

(辰談) 世界之部

案之第夫力斯省 **Tils** 面積約一萬五千餘方里。現亦宣布自治焉。

立陶宛 **Lithunie** 立陶宛在古代為大公國。現在自治領土。包括舊

俄屬戈夫諾 **Kovno** 維爾那 **Vilna** 蘇伐爾克 **Suvalki** 三省

之地。其疆界尚未確立。西臨 **波羅** 的海。西南界東普魯士南

界 **波蘭**。東界俄羅斯。北界 **萊多尼亞** 自治領地云。

萊多尼亞 **Lettonie** 又名里伏 **尼亞** **Livonie** 為俄國萊德民

族 **Letto** 居住地。包括舊俄屬 **波羅** 的沿岸 **里伏尼亞** 高

蘭 **Courlande** 維塔勃斯克 **Viebok** 三省之地。其境內有兩大

重要出海口。即里加 **Riga** 及里巴 **Libau** 是也。

愛沙尼亞 亦俄國 **波羅** 的濱海省之一。在 **萊多尼亞** 自治

地之北。包括 **波羅** 的海中之島嶼。北面芬蘭海灣。現國民議會設

於 **勒伐爾** **Reval** 亦一重要海口也。

◎ 辰談 世界之部

▲ 佑尼干對於中國政局之觀察

中美新聞社譯密勒評論報佑尼干君之論文云。紐約商務報頗有勢力近著一社論。討論中國問題。大意謂今日中國之大問題為破產。設法救其免於破產。定較修正日本佔領山東權利之條件為尤急。該報以為中國目下定向破產之境直趨而進。祇須觀其所負債務與所以還債之方法。便可了然。後附載朱啓鈴氏所編中國財政情形表。謂每年國家收

百卅八

入為三萬七千萬。而行政費與付債即需二萬四千萬。再加陸軍費占全部收入三分之一。該報以為此次經濟負擔。毫無可辯護。又謂中國今日軍隊共一百二十萬人。而專事劫掠。徒作國內戰爭之用。此言也。質為在華一般外人之公言。又曰。世界徒聞顧王兩專使為中國爭權利之偉舉。而不知中國南北武人同一專制貪黷。使山東與他省人民所受之真痛苦。其源寔在此。中國民治在督軍監督之下。遂至每年預算。不足至一萬三千萬元之鉅。可歎也。揣該報之意。似已知中國財政之內幕。寔不可究詰。據朱啓鈴氏所算中國外債為十一億五千八百二十一萬〇五百四十三元。其中日華債款占私千二百一十一萬。而北京某日本報紙。則謂一九一五年後。日本借與中國之債。已達一億八千〇〇十萬元。該商務報又云。中國天源甚富。而不加開採。其源極豐。而礦律束縛之。使不能發展。商務儘可振興而交通不便。種種障礙。目下中國君急已極。非有現錢不可。然仍聽其京軍閥反對新團改良其財政之計畫。真不可救藥矣云云。按 **西方** 所繼續之 **中國** 政府。非即此

人貪黷卑污之軍閥乎。

共和政體時。各國亦正式承認

早已名存寔亡。臨時約法。至被袁氏與軍閥

治者之地位。此固人所共知。時至今日。謂宜中國一考察北

京之政治。究與彼等所承認之政體相符否。今美英法三國。方圖一致

結合。贊助中國改良財政。而日。則與某派華人勾結。反對此 **西方**

三強之貢獻。日本此舉之理由。係彼欲得中國之一半土地。供其專用

華人之理由。則係得日人借款之供給。不欲從此斷此財源也。而此等華

中國

民國統

人即為商務報所指之貪黷軍閥即為目下世人咸知能為任何國家的或國際的無恥行為者也。中國土地既廣斷不容任何一他國獨占其利益。開放門戶政策斷不至因日本反對而即拋棄中國在戰時因聽從日本之勸告竟至失却在和會之地位。其為利為害今日當已自悟。新銀團之目的在包舉一切政府借款。統一外人在華之利益。以免由勢力範圍政策而致瓜分之定現。此等主義天然為軍閥派所不喜。然中國人民豈亦因此而對於西方諸國反有所怨望乎。

土耳其與近東問題之將來

巴黎和會開幕以來無論東西各國皆各挾其目的盡力活動。即吾人之敵之德奧。在新聞上亦占有相當地位。為人所注目。獨此地跨兩洲巋然獨存之回教帝國。數月以來。閤然無聲。無論執政者或民間輿論。皆少道及土耳其。其國勢微弱。依附德奧。雖然失計。但彼有人口地勢尊教上天。然之重要程度。關係於世界和平及歐洲安甯。尙大有謂協約對彼。已早有決議。然就土耳其自身及近東問題觀之。協約即得時勢上絕對之便利。亦殊難於最短時間中簡單斷定。但吾人所確知者。協約對土。尙不難於目前分割解決。而難於安排今後之近東。安排近東。在戰前以對土為積極問題。今後則為消極問題。所謂達達納爾海峽。君士但丁堡。要塞。戰前戰後皆大異其勢力價值。土耳其是否因此而完全無一顧之價值。或為免去後此長時間中之活動。猶將與以相當之地位。此皆與今後之和平有關係。然自和會對土態度觀之。吾人不能不為土耳其之將來抱無限之殷憂也。

土耳其自停戰後。雖自知前途危險甚大。但尙以威爾遜總統宣言。猶存一線希望。故亦派來代表。有所陳請。其代表於六月十二日抵巴黎。而和

(辰談) 世界之部

會已於五月十八日由四人會議將解決土國問題大致決定。土代表於十七日曾面見和會會長。並呈遞其願書。而彼代表運動之力。亦即以此蓋和會不但不重視請願。且深及小亞細亞諸問題。故至六月三十日。本甚複雜。而土代表所陳請。又翻出陳案。連會以時日詳為研究。不易使近東問題得久在巴黎。為無味之勾留。可即日。此信後。遂於本月四日。全割地位。此雖有彼數年來所。事定。茲特將土耳其國政治各方面情形。如下。

政治問題

從來歐洲各強國對於土耳其之觀念。總以為彼一日不脫離歐洲。則近東問題終無圓滿解決之望。故彼在歐洲地位。近年以來。已危至極點。乃又甘犯不韙。以助德。更深。至今日而言及土耳其之前途。未有不相繼革命。英政府知以一己意思專制他人。必有反抗之日。因此土耳其國始有一線生機。蓋土耳其民族在歷史上。本有不可磨滅者在。即令退出歐洲。然其在亞洲之地。已兩倍於英法。又烏可輕視之者。且列強欲瓜分土耳其領地。亦一至困難之事。地勢之關係。權利之分配。在在均有衝突之點。自十九世紀之初。土耳其之國勢日衰。領地日削。英取其埃及。意占其理比。俄奪其亞耳麥里之一部分。其餘如羅馬尼亞。塞爾維亞。門的內格羅。保加利亞。希臘。其日擴張之土地。皆昔日土耳其之領土也。於是巴爾幹之糾紛。遂因之而起。在大戰之前一年。尙有意土之爭。往事如此。謂今日瓜分土耳其。遂不致再起戰禍。則吾人不敢信也。

百卅九

(辰談) 世界之部

▲經濟問題

往者德人欲築伯達 Bagdad 鐵路。寔有意握全土耳其經濟權。而以慢性變化。使成伊之殖民地。故不惜極力聯絡土政府。以攫得其軍事權。於是列強均爲之側目。幸鐵路尙未修至君士坦丁海口。商埠各種權利尙未與各國衝突。不然。大戰已早因土耳其而生矣。即大戰之中。土人之附德。亦以經濟關係太深。且加以軍事上之協定。故致土人動不得時。其寔土國人民未必願也。

▲土耳其之希望

土耳其報紙。皆希望和平會議勿置土耳其問題於不顧。謂其關係之重要。寔不下於近東諸國。而有同時解決之必要。並願和會知土國前此之附德。并非國民意思。寔出諸惡政府。當戰之初。土耳其有智識者之在巴黎。亦曾宣言謂附德之舉。人民不能負其責。此並非事後推諉。且土人之在協約國境內求學或謀生者。亦未常有絲毫之惡感也。彼等此言亦頗爲協約國人所首肯。而閱其遭遇。將來或者由感情方面可以挽回多少危機。亦未可知。蓋完全失却抵抗力者。惟此一條生路也。

▲土耳其境內人口之變遷

有新自土耳其游歷歸者。曾發其最近土耳其人口統計表於巴黎時報。茲特節譯。藉此可以窺得土境白人勢力之消長。及其將來之變遷。此表冊係斷自一九一七年。因大戰時土政府有排外之舉。逐去希臘人極多。其數已因之驟減。然考土耳其全境。尙以希臘人爲最多。尤以海丁那 Vilaget d' Aidin 爲最多。因其地交通便利。外人居住者頗多。土人排斥不易。如梧娜賽 Vonla 一地。希臘人有二萬。而回教徒只九千五百一十六人。司密勒 Dmgagne 有希臘人一萬五千。回教徒一萬一千人。亞爾墨人 Armeniens 一萬餘。其他尙有依色爾特人 Zsralties 一萬及一萬五千之外國保護民。

百四十

切勒 Tchemie 係戰爭之地。希人尙有九千餘。甘受凌辱困苦。而不肯離去。其關係可謂深切矣。其他在戰爭之海岸各城。希人被逐後。大抵十室九空。寂無人居矣。又如新波賽 Navelle Porie 一地。戰前有希人一千七百家(約七千人)有回教徒一百五十家(約六百人)戰后則希人盡去所餘至有限矣。此表甚繁。上不過略舉其要。以見希人在土之多。大戰既了。土人排外之舉。自不能繼續。將來希人捲土重來。其數之激增。最足引人注意也。

就以上各面觀察戰後之土耳其。未必遽墮入滅亡之域。惟必欲就土耳其自身斷定。亦未能圓滿。蓋近東尙未完全統一。單純處置土耳其。是否事實上可能。事尙研究。

●法國戰後之建設談

法國無綫電社巴黎通信云。法國戰地善後事。刻正開始進行。一、請修葺破屋者。先繕具請願書與。書各一通。連。照概。之款。額。修治房屋。由政府撥付。然此僅適用於房屋之未。址。聯。搭。篷。帳。以。蔽。風。雨。或。二、建築。所。應。得。之。賠。款。全。數。爲。民。三、室。家。等。四、萬。佛。郎。協。助。會。乃。命。建。築。工。程。師。督。導。民。間。五、經。費。焉。近。通。過。一。法。與。軍。造。村。鎮。事。有。六、之。任。何。地。產。並。規。定。改。良。道。路。七、辦。之。而。業。主。按。其。損。失。輕。重。以。獲。八、故。居。民。勢。必。暫。時。棲。居。於。九、之。散。往。他。處。者。今。已。十、

●國內之部

●漢文打字機之應用

本誌同人於本年月日自日本購得漢文打字機一部。恭進御用。蒙閣應用。近日接

京中公文兩紙。全以漢文打字機打成。字畫光明。行列齊整。較之法文打字機。無不及。方本誌購這機。辰得之製機人所叙。則謂習用這機。要在讀

敏速。無異於西文打字機。然恭進纔數月。而內閣已見應用。其打字之

日新月異。漢文自有此機發現。則漢文傳播之效力。想不讓歐

諭字全以此機打成也。聖諭恭錄如左。吾民讀之。可仰見上愛民之深心矣。

諭平順平定等轄連報民瘼。饑荒又於京城月前二十三日。偶遭淫雨。至本月初一日。始得微晴。頃

間。又雨。平地水深三尺。秋務田禾。並皆損失。米價騰昂。朕念民間。苦將饑饉。朕才儉德薄。忝膺

大統。上不能以承天意。下不足以惠民生。致水潦饑饉之災。敬懼凜切。憂

有可以弭災之策。百執臣工。其盡心匡吾之不逮。以蘇民之將薦饑。以保國家。及長治太和。誠朕

之所厚望也。欽此。

(附) 御製詩一首併錄

雨潦勝常。憂民饑荒。製詩一首。用昭愛民熱誠。至念

歲稔民豐。國泰和。無如經旱潦。旋加三農失望。荒無備

鄰瘼甫清。鄰恤否。輔臣匡正。輔裁何蘇民如得賢方略

啓定四年八月初一日。內閣恭錄

（農談）國內之部

(談辰) 國內之部

百四二

諭照之前例常年諸省凡有土宜恭進者先登薦

列廟及頒給廷臣謂之情也亦禮也仍凡何省有何產物恭進則省臣察自甫生以至開花結菓均

飭詳開以備及辰催進爲例太煩下民之有土宜者憚煩而厭隱之則臣子有心反若無心徒無

益也嗣凡何係有土宜及辰恭進併恭遇國家諸節禮例有恭進土宜者準摘在省公支銀或祀

典銀數買行恭進若無公支銀祀典銀者著準由戶部或禮部照價給還不得照前例致煩黎庶

著通錄知遵欽此

啓定四年八月二十一日

內閣臣等恭錄

▲政府議會——今年政府議會在西貢開議。全權大臣已於西十月中旬由河內西貢順道抵京

商要政。十一月初旬各轄首憲及各上議員將集合於西貢開議云。

▲北圻諮問議會——北圻諮問議會已於西十月二十八九等日集會於河內還劍湖畔。內行

開會日。北圻統使讀一演說長文大意歷叙今年開會之問題爲考

各件。聞本期會議問題亦照上年常例無特別事項。據演說中所叙則

五萬一千八百四十七元 1,851,847, p. 14

▲農民之不知預防——近日已屆收穫之期。本地農民每到收穫期便以粟

竣。則粟米亦隨之而盡。或因此而缺食之憂者。嗟我農民何不稍知預防。備區內之用。苟有贏

餘。則姑積貯以待善價。亦未爲晚。何必急迫發售於農務收穫之日乎。寄語農人。其少注意。

辦法。商致農務告